

月共迴旋

千尋瀑布清明秀一派風光氣勢雄時被祥風吹作雨瀟瀟溟
漠灑虛空

青城華嶽與天台怎比吾山至大哉一簇峯巒千萬仞威儀真
不讓蓬萊

公山高隱白雲宮宮壓公山第一峯峯上白雲飛不斷悠悠來
去惹青松

參差山色有無中半入幽溟半入空依約天涯尋不見飄飄常
被白雲籠

公山自古白雲多結蓋層層入大羅出沒羣仙常不見雲中唯
道藏輯要

礮溪集

垂

又胃集三

聽洞仙歌

仙歌縹緲入公山漸入公山太一壇壇上諸仙安藥鼎時時燒
出大還丹

撞開天漢拂星辰獨坐蟾宮抱日輪夜牧靈龜朝引鶴飢餐松
實冷披雲

山頭點起一輪燈天下妖魔盡不生唯有堂堂圓覺士松間獨
弄寶珠行

公山春

閑遣青龍轉月華同驅白虎種黃芽黃芽欲發雷霆震迸出青
龍白虎牙